

სკოპინგის დასკვნა N18

დაგეგმილი საქმიანობის დასახელება: ნარჩენების აღდგენის (საბურავების გადამუშავება) საწარმოს მოწყობა და ექსპლუატაცია;

დაგეგმილი საქმიანობის განმახორციელებელი: შპს „რეკსოლ“ (ს/კ: 416387920);

დაგეგმილი საქმიანობის განხორციელების ადგილი: ქ. რუსთავი, მშვიდობის ქუჩა N24;

განაცხადის შემოსვლის თარიღი: 16.06.2026;

მონაცემები სკოპინგის ანგარიშის შემდგენლის შესახებ: შპს „მწვანე ჰორიზონტი ჯორჯია“;

ძირითადი საპროექტო მონაცემები:

„გარემოსდაცვითი შეფასების კოდექსით“ გათვალისწინებული სკოპინგის დასკვნის მიღების მიზნით, შპს „რეკსოლის“ (შემდგომ - კომპანია) მიერ სსიპ გარემოს ეროვნულ სააგენტოში (შემდგომ - სააგენტო) წარმოდგენილი იქნა დაგეგმილი საქმიანობის (ქ. რუსთავში, ნარჩენების აღდგენის (საბურავების გადამუშავება) საწარმოს მოწყობა და ექსპლუატაცია) სკოპინგის ანგარიში.

წარმოდგენილი დოკუმენტაციის მიხედვით, შპს „რეკსოლის“ ნარჩენების აღდგენის (საბურავების გადამუშავება) საწარმოს მოწყობა დაგეგმილია ქალაქ რუსთავში, შპს „რეკსოლის“ საკუთრებაში არსებულ არასასოფლო-სამეურნეო დანიშნულების მიწის ნაკვეთებზე (ს/კ: 02.07.01.902, ს/კ: 02.07.01.886; ჯამური ფართობი 45393 მ²). საპროექტო ტერიტორიიდან უახლოესი საცხოვრებელი სახლი დაშორებულია დაახლოებით 1200 მეტრით (სოფ. ნაგები), ხოლო უახლოესი ზედაპირული წყლის ობიექტი, მარინის არხი (სამელიორაციო არხი) - დაახლოებით 390 მეტრით. საპროექტო ტერიტორიას ყველა მხრიდან ესაზღვრება სახელმწიფო საკუთრებაში არსებული არასასოფლო-სამეურნეო დანიშნულების მიწის ნაკვეთი, ხოლო დაახლოებით 200 მეტრში მდებარეობს სს „ენერგო-პრო ჯორჯიას“ საკუთრებაში არსებული ელექტროგადამცემი ხაზი. საწარმომდე მისასვლელად გამოყენებული იქნება შიდა საავტომობილო გზა, რომელიც მდებარეობს ტერიტორიის სამხრეთ-დასავლეთით, დაახლოებით 350 მეტრში.

სკოპინგის ანგარიშში მოცემულია დაგეგმილი საქმიანობის ალტერნატივების ანალიზი, მათ შორის, განხილულია უმოქმედობის (ნულოვანი) ალტერნატივა. წარმოდგენილი ინფორმაციით, საწარმოს განთავსების ტერიტორიისა და ტექნოლოგიის შერჩევა მოხდა გარემოსდაცვითი, სოციალური და ეკონომიკური საკითხების გათვალისწინებით.

სკოპინგის ანგარიშის მიხედვით, შპს „რეკსოლის“ საქმიანობას წარმოადგენს ნარჩენების (კოდი: 16 01 03 - განადგურებას დაქვემდებარებული საბურავები) გადამუშავებით (ნარჩენების აღდგენის R12 ოპერაცია) სხვადასხვა პროდუქტების (რეზინის გრანულები, ფოლადი და ტექსტილის ბოჭკო) მიღება და რეალიზაცია. საწარმოში დაგეგმილია წელიწადში 87600 ტ განადგურებას დაქვემდებარებული საბურავების დამუშავება. საწარმო იმუშავებს წელიწადში 365 დღე, 3 ცვლიანი და 24 საათიანი სამუშაო რეჟიმით, ხოლო ექსპლუატაციის ეტაპზე დასაქმებული იქნება 20 ადამიანი.

წარმოდგენილი დოკუმენტაციის მიხედვით, საპროექტო ტერიტორიის არსებული შენობის ნაწილში (ფართობი 2000 მ²) დაგეგმილია ნარჩენი საბურავების აღდგენის საერთაშორისო სტანდარტების ტექნოლოგიური ხაზის განთავსება. ასევე, აღნიშნული შენობის მიმდებარედ მოეწყობა საბურავების მიღებისა და დასაწყობების უბანი. ანგარიშის მიხედვით, საწარმოში ნარჩენების დამუშავების მიზნით, განადგურებას დაქვემდებარებული საბურავების მიღება მოხდება სხვადასხვა ბიზნესპროფილის (საბურავების ვაჭრობა, ვულკანიზაციის ცენტრები და სხვ.) მქონე ობიექტებიდან, ორგანიზაციებიდან და კერძო პირებიდან, ხოლო მიღებული პროდუქციის (დაფქული მასალა - გრანულები) რეალიზაცია მოხდება ადგილობრივ ბაზარზე, კერძოდ, მოდერნიზებული ასფალტის ან/და სხვადასხვა რეზინის წარმოებაში და სხვა. ასევე, დაგეგმილია პროდუქციის ექსპორტი. ტექნოლოგიურ პროცესში დაგეგმილია ელექტროენერგიის გამოყენება.

სკოპინგის ანგარიშის მიხედვით, საწარმოში წყალი გამოყენებული იქნება სასმელ-სამეურნეო, ხანძარსაწინააღმდეგო და საწარმოო დანიშნულებით, რომლითაც ობიექტი მომარაგდება ტერიტორიაზე არსებული ჭაბურღილიდან. საწარმოო მიზნით წყლის გამოყენება გათვალისწინებულია გაგრილების სისტემაში და საბურავის დაფქვის პროცესში დანამვისათვის. სამეურნეო-საყოფაცხოვრებო ჩამდინარე წყლების ჩაშვება დაგეგმილია მუნიციპალურ საკანალიზაციო სისტემაში, შესაბამისი ხელშეკრულების საფუძველზე. ანგარიშის მიხედვით, საპროექტო ტერიტორიაზე სანიაღვრე წყლით დაბინძურება მოსალოდნელი არ იქნება.

სკოპინგის ანგარიშის მიხედვით, საწარმოს ექსპლუატაციის ეტაპზე მოსალოდნელია არასახიფათო (მუნიციპალური) და მცირე რაოდენობით სახიფათო ნარჩენების წარმოქმნა, რომლებიც შეგროვდება შესაბამის კონტეინერებში. საყოფაცხოვრებო ნარჩენები გატანილი იქნება ქ. რუსთავის დასუფთავების სამსახურის მიერ, ხოლო სახიფათო ნარჩენები, შემდგომი მართვის მიზნით, გადაეცემა შესაბამისი ნებართვის მქონე კომპანიას. ანგარიშის თანახმად, დეტალური ინფორმაცია ნარჩენების სახეობების, რაოდენობებისა და მათი მართვის შესახებ წარმოდგენილი იქნება დაგეგმილი საქმიანობის გზშ-ის ანგარიშში.

სკოპინგის ანგარიშში მოცემულია ზოგადი ინფორმაცია გარემოზე შესაძლო ზემოქმედების სახეებისა და იმ ღონისძიებების შესახებ, რომლებიც გათვალისწინებული იქნება გარემოზე

მნიშვნელოვანი უარყოფითი ზემოქმედების თავიდან აცილებისათვის, შემცირებისათვის ან/და შერბილებისათვის.

სკოპინგის ანგარიშის მიხედვით, საწარმოს ექსპლუატაცია დაკავშირებული იქნება ატმოსფერულ ჰაერში მავნე ნივთიერებების წარმოქმნასთან, ვიბრაციის და ხმაურის გავრცელებასთან. საბურავების ნარჩენების დამუშავების ტექნოლოგია უზრუნველყოფილი იქნება ავტომატური გამწოვი და გამწმენდი სისტემებით. სისტემა აღჭურვილი იქნება სამსაფეხურიანი კონტროლისა და მტვრის გამწმენდი ფილტრებით. წარმოდგენილი დოკუმენტაციის მიხედვით, ატმოსფერულ ჰაერში მავნე ნივთიერებათა გაფრქვევის გაანგარიშებების შესახებ დეტალური ინფორმაცია წარმოდგენილი იქნება გზშ-ის ანგარიშში. რაც შეეხება ხმაურის წარმოქმნას, ანგარიშის მიხედვით, გამომდინარე იქიდან, რომ საწარმოს დანადგარები განთავსებული იქნება დახურულ შენობაში, საპროექტო ტერიტორიიდან 50 მეტრის ფარგლებში ხმაურის დონე იქნება 38.2 დბ, რაც არ გადააჭარბებს დასაშვებ ნორმას. ხოლო საწარმოში არსებული დანადგარები, რომლებიც ვიბრაციის გამოძვევ წყაროს წარმოადგენს, არ გადააჭარბებს კანონმდებლობით დადგენილ მოთხოვნებს.

წარმოდგენილი ინფორმაციის მიხედვით, საპროექტო ტერიტორია არ მდებარეობს კულტურული მემკვიდრეობის ძეგლების, ასევე, დაცული და ტყით მჭიდროდ დაფარული ტერიტორიების სიახლოვეს. საწარმოს მოწყობა მოხდება ანთროპოგენური დატვირთვის მქონე სამრეწველო ზონაში, სადაც ნიადაგის ნაყოფიერი ფენა და მცენარეული საფარი წარმოდგენილი არ არის.

სკოპინგის ანგარიშის განხილვის ადმინისტრაციული წარმოების ეტაპზე სააგენტომ უზრუნველყო სკოპინგის ანგარიშისა და საჯარო განხილვის შესახებ ინფორმაციის კანონმდებლობით დადგენილი წესით გავრცელება. მათ შორის, ინფორმაცია განთავსდა გარემოსდაცვით საინფორმაციო პორტალზე, ასევე, გაეგზავნა ქ. რუსთავის მუნიციპალიტეტის მერიას, საინფორმაციო დაფაზე განთავსების მიზნით.

სკოპინგის ანგარიშის საჯარო განხილვა გაიმართა 2026 წლის 7 ივლისს, რუსთავის მუნიციპალიტეტის მერიის შენობაში. საჯარო განხილვას ესწრებოდნენ სსიპ გარემოს ეროვნული სააგენტოს, შპს „რეკსოლის“, საკონსულტაციო კომპანია - შპს „მწვანე ჰორიზონტი ჯორჯიას“ და მუნიციპალიტეტის წარმომადგენლები. დაგეგმილ საქმიანობასთან დაკავშირებით საჯარო განხილვაზე დასმული კითხვები ძირითადად ეხებოდა: საბურავების გადამუშავების შედეგად საბავშვო მოედნების საფარის მოწყობას, ატმოსფერულ ჰაერში მავნე ნივთიერებათა გაფრქვევების უწყვეტი ინსტრუმენტული თვითმონიტორინგის სისტემაში ჩართვას, საბურავების დასაწყობების უბნის გადახურვას, მშენებლობის დაწყების ვადებს, სოციალურ-ეკონომიკურ (მათ შორის, დასაქმება) საკითხებს. საჯარო განხილვაზე დასმულ საკითხებზე შესაბამისი განმარტებები გააკეთეს შპს „რეკსოლის“ და შპს „მწვანე ჰორიზონტი ჯორჯიას“ წარმომადგენლებმა. საჯარო განხილვაზე გამოთქმული

შენიშვნები/მოსაზრებები და შესაბამისი პასუხები/განმარტებები აისახა საჯარო განხილვის ოქმში.

ადმინისტრაციული წარმოების ეტაპზე, დაგეგმილი საქმიანობის სკოპინგის ანგარიშთან დაკავშირებით სააგენტოში წერილობითი შენიშვნები/მოსაზრებები წარმოდგენილი არ ყოფილა.

სკოპინგის პროცედურის შედეგად სააგენტოს მიერ იდენტიფიცირდა დაგეგმილი საქმიანობიდან გამომდინარე, გარემოსა და ადამიანის ჯანმრთელობაზე მოსალოდნელი ძირითადი ზემოქმედების წყაროები, სახეები და ობიექტები. განისაზღვრა და დადგინდა დაგეგმილი საქმიანობის შედეგად გზშ-ის ანგარიშის მომზადებისთვის საჭირო კვლევების, მოსაპოვებელი და შესასწავლი ინფორმაციის ჩამონათვალი. ასევე, გზშ-ის პროცესში დეტალურად შესასწავლი ზემოქმედებების საკითხები.

გზშ-ის ანგარიშის მომზადებისთვის საჭირო კვლევების, მოსაპოვებელი და შესასწავლი ინფორმაციის ჩამონათვალი:

1. გზშ-ის ანგარიში უნდა მოიცავდეს „გარემოსდაცვითი შეფასების კოდექსის“ მე-10 მუხლის მე-3 ნაწილით დადგენილ ინფორმაციას;
2. გზშ-ის ანგარიშს უნდა დაერთოს „გარემოსდაცვითი შეფასების კოდექსის“ მე-10 მუხლის მე-4 ნაწილით განსაზღვრული დოკუმენტაცია;
3. გზშ-ის ანგარიშში წარმოდგენილი უნდა იყოს სკოპინგის ანგარიშში მითითებული (განსაზღვრული, ჩასატარებელი) კვლევების შედეგები, მოპოვებული და შესწავლილი ინფორმაცია, გზშ-ის პროცესში დეტალურად შესწავლილი ზემოქმედებები და შესაბამისი შემცირების/შერბილების ღონისძიებები;
4. გზშ-ის ანგარიში ხელმოწერილი უნდა იყოს იმ პირის/პირების მიერ, რომელიც/რომლებიც მონაწილეობდა/მონაწილეობდნენ მის მომზადებაში, მათ შორის, კონსულტანტის მიერ (გზშ-ის ანგარიშის მომზადების პროცესში მონაწილეთა სიაში, მითითებული უნდა იქნეს კონკრეტულად ტექსტის რომელი ნაწილი/ქვეთავი იქნა მომზადებული თითოეული ექსპერტის მიერ).

5. გზშ-ის ანგარიშში ასევე წარმოდგენილი უნდა იყოს:

- დაგეგმილი საქმიანობის საჭიროების დასაბუთება (გარემოზე მოსალოდნელი ზემოქმედებით გამოწვეული დანაკარგისა და მიღებული სარგებლის ურთიერთშეწონის საფუძველზე);
- საქმიანობის განხორციელების ადგილის აღწერა-დახასიათება, საპროექტო ტერიტორიის საკადასტრო კოდ(ებ)ის, Shp ფაილებისა და GPS კოორდინატების

მითითებით. მათ შორის, მიწის ნაკვეთ(ებ)ის საკუთრების/სარგებლობის დამადასტურებელი დოკუმენტაცია;

- დაზუსტებული მანძილი საწარმოს ტერიტორიიდან უახლოეს საცხოვრებელ სახლ(ებ)ამდე (მდებარეობის მითითებით), ასევე ზედაპირული წყლისა და სხვა შესაძლო ზემოქმედებას დაქვემდებარებულ ობიექტებამდე;
- ინფორმაცია საწარმოს სიახლოვეს (განსაკუთრებით 500-მ რადიუსის საზღვრებში) არსებული ნებისმიერი ტიპის, მათ შორის ანალოგიური ობიექტ(ებ)ის შესახებ (მანძილების და საქმიანობის მითითებით);
- საწარმოს ადგილმდებარეობის გარემოს არსებული მდგომარეობის ანალიზი;
- გარემოს დაცვის მიზნით შემოთავაზებული გონივრული ალტერნატიული ვარიანტების შესახებ დეტალური ინფორმაცია, შესაბამისი დასაბუთებით (ალტერნატივების ერთმანეთთან შედარებით), მათ შორის, არაქმედების (ნულოვანი) ალტერნატივა, ტექნოლოგიური ალტერნატივები, ადგილმდებარეობის ალტერნატივები და გარემოსდაცვითი თვალსაზრისით შერჩეული ალტერნატივების აღწერა-დასაბუთება;
- საწარმოს საქმიანობის და ნარჩენების აღდგენის (საბურავების გადამუშავების) ტექნოლოგიური სქემის დეტალური აღწერა, შესაბამისი თანმიმდევრობით (ნედლეულის მიღებიდან საბოლოო პროდუქტ(ებ)ის დამზადების ჩათვლით). ასევე, ინფორმაცია ტექნოლოგიურ პროცესში გამოსაყენებელი დანადგარებისა და დამხმარე ინფრასტრუქტურის შესახებ, თითოეული საწარმოო ობიექტის/უბნის ტექნიკური პარამეტრებისა (დანადგარების საპასპორტო მონაცემები/ტექნიკური მახასიათებლები) და ტექნოლოგიური სქემების მითითებით;
- საქმიანობის განხორციელების ტერიტორიის სიტუაციური სქემა და გენერალური გეგმა შესაბამისი აღნიშვნებითა და ექსპლიკაციით, საპროექტო ობიექტების, ასევე ატმოსფერულ ჰაერში მავნე ნივთიერებების გაფრქვევისა და ხმაურის წარმომქმნელი წყაროების მითითებით;
- ინფორმაცია ტექნოლოგიური ხაზის ფიზიკური მახასიათებლების შესახებ, მათ შორის ინფორმაცია ტექნოლოგიური ხაზის წარმადობის (სთ, დღე, წელი) და სამუშაო რეჟიმის/გეგმა-გრაფიკის მითითებით. ასევე წარმოდგენილი უნდა იყოს დეტალური ინფორმაცია საწარმოში მიღებული ნედლეულისა და წარმოებული პროდუქციის რაოდენობების შესახებ (წლიური, დღეღამური და საათობრივი რაოდენობების მითითებით);
- ინფორმაცია საწარმოში მისაღები/დასამუშავებელი ნარჩენის კოდ(ებ)ის, დასახელებ(ებ)ის, წარმოშობის წყაროს და რაოდენობის შესახებ;
- ნარჩენების აღდგენის ოპერაციის კოდ(ებ)ი „ნარჩენების მართვის კოდექსის“ დანართი I-ის შესაბამისად;
- დეტალური ინფორმაცია სასაწყობე ადგილ(ებ)ის შესახებ, მათ შორის, დასამუშავებლად მისაღები ნედლეულის, წარმოებული პროდუქციისა და სხვა თანმდევი პროდუქტების დასაწყობების ობიექტებისა და შენახვის პირობების შესახებ;

- ინფორმაცია საწარმომდე მისასვლელი გზების და მათი მდგომარეობის შესახებ. ასევე, ინფორმაცია მშრალ ამინდებში საპროექტო ტერიტორიისა და მისასვლელი გზების მორწყვის საჭიროების (მორწყვის გეგმა-გრაფიკის მითითებით) შესახებ;
- ინფორმაცია საწარმოს ელექტროენერგიით, ბუნებრივი აირითა ან/და სხვა კომუნიკაციებით მომარაგების შესახებ;
- დეტალური ინფორმაცია ნედლეულის შემოტანისა და პროდუქციის გატანის პროცედურების/ტრანსპორტირების შესახებ, შესაბამისი სამოდრაო მარშრუტის მითითებით (რუკაზე ჩვენებით, სქემატური ნახაზებით). ამასთან, წარმოდგენილი უნდა იქნეს ინფორმაცია ნედლეულის/პროდუქციის ტრანსპორტირების გეგმა-გრაფიკი (ნედლეულის/პროდუქციის შემოტანის და გატანის სიხშირის მითითებით) და ნედლეულის/პროდუქციის ტრანსპორტირებისათვის გამოყოფილი ტრანსპორტის ტიპისა და რაოდენობის შესახებ;
- ნედლეულის/პროდუქციის ტრანსპორტირებისას დასახლებულ პუნქტ(ებ)ში გადაადგილების შემთხვევაში - ინფორმაცია შესაბამისი პირობების დაცვის შესახებ (მაგ: დაბალი სიჩქარე, მარის გადახურვა, ღამის საათებში მოძრაობის აკრძალვა);
- ინფორმაცია ნარჩენების წარმოქმნითა და გავრცელებით მოსალოდნელი ზემოქმედების შესახებ. ასევე, საქმიანობის შედეგად წარმოქმნილი ნარჩენების (კოდი, დასახელება, რაოდენობა და ა.შ) და მათი შემდგომი მართვის შესახებ, „ნარჩენების მართვის კოდექსისა“ და მისგან გამომდინარე კანონქვემდებარე ნორმატიული აქტებით დადგენილი მოთხოვნების შესაბამისად. დეტალური ინფორმაცია დასაწყობებული ნედლეულისა და მისი მექანიკური/ტექნოლოგიური დამუშავების დანადგარებამდე მიწოდების შესახებ;
- საწარმოს წყალმომარაგების შესახებ ინფორმაცია (გამოსაყენებელი წყლის დღელამური, თვითური და წლიური რაოდენობების მითითებით);
- დეტალური ინფორმაცია ჩამდინარე სამეურნეო-საყოფაცხოვრებო და საწარმოო წყლების (დღელამური, თვითური და წლიური რაოდენობების მითითებით), ასევე სანიაღვრე წყლების მართვის შესახებ;
- დაზუსტებული ინფორმაცია საწარმოში გაგრილების ტექნოლოგიის შესახებ;
- ნავთობპროდუქტების/ზეთის დაღვრის რისკების შემარბილებელი ღონისძიებები, მათ შორის, დაღვრის საწინააღმდეგო სისტემის მოწყობა, შემოზვინვა ან/და სხვ;
- ინფორმაცია გზშ-ის ფარგლებში ჩატარებული საბაზისო/სადიებო კვლევებისა და გზშ-ის ანგარიშის მომზადებისთვის გამოყენებული მეთოდების შესახებ;
- ინფორმაცია შესაძლო ავარიული სიტუაციების შესახებ, ავარიული სიტუაციებზე რეაგირების გეგმა;
- დასაქმებული ადამიანების რაოდენობა, მათ შორის დასაქმებულთა შორის ადგილობრივი მოსახლეობის წილი. ასევე ინფორმაცია პერსონალის პროფესიული და ტექნიკური სწავლების შესახებ;
- ინფორმაცია საქმიანობის შეწყვეტის შემთხვევაში გარემოს პირვანდელ მდგომარეობამდე აღდგენის ღონისძიებების შესახებ;

- დაგეგმილ საქმიანობასთან დაკავშირებით ადგილობრივი მოსახლეობის ინფორმირების, მათი პოზიციების, დამოკიდებულების/აზრის გათვალისწინებისა და შეთანხმების (არსებობის შემთხვევაში) ამსახველი ინფორმაცია. ასევე ინფორმაცია საჯარო განხილვაზე გამოთქმული შენიშვნების/მოსაზრებების გათვალისწინების შესახებ;

6. გარემოზე მოსალოდნელი ზემოქმედების შეფასება გარემოს თითოეული კომპონენტისათვის და პროექტის განხორციელების შედეგად მოსალოდნელი ზემოქმედების შეჯამება, მათ შორის:

- მოსალოდნელი ზემოქმედების შეფასება ატმოსფერულ ჰაერზე, სადაც გათვალისწინებული უნდა იყოს:
 - ატმოსფერულ ჰაერში მავნე ნივთიერებათა გამოყოფისა და გაფრქვევის წყაროები (გენ-გეგმაზე მითითებით), გაფრქვეული მავნე ნივთიერებები, გაფრქვეულ მავნე ნივთიერებათა რაოდენობრივი და თვისობრივი მონაცემები, გაფრქვეული მავნე ნივთიერებების გაბნევის ანგარიში;
 - ინფორმაცია მავნე ნივთიერებათა გამოყოფის და გაფრქვევის წყაროების რაოდენობრივი მაჩვენებლების შესახებ (მეთოდური მითითებით);
 - გზშ-ის ანგარიშს უნდა დაერთოს ატმოსფერულ ჰაერში გაფრქვეულ მავნე ნივთიერებათა ზღვრულად დასაშვები გაფრქვევის ნორმების პროექტი;
 - ატმოსფერულ ჰაერზე მოსალოდნელი ზემოქმედების პრევენციული და შემარბილებელი ღონისძიებები, დაგეგმილი ღონისძიებების ეფექტურობის დასაბუთებით;
 - დეტალური ინფორმაცია ატმოსფერული ჰაერის დაბინძურების პრევენციის მიზნით გათვალისწინებული ღონისძიებების შესახებ (შესაბამისი დასაბუთებით), მათ შორის, აირმტვერდამჭერი სისტემის (ტექნიკური პარამეტრების, საპასპორტო მონაცემებისა და ეფექტურობის მითითებით), აღნიშნული მოწყობილობების პარამეტრების დაცვისა და გამართულად ექსპლუატაციის უზრუნველყოფის, მათ შორის, ფილტრების დროული გამოცვლის, აირმტვერდამჭერი მოწყობილობის მიერ დაჭერილი მტვრის და მისი მართვის (მათ შორის, კვლავ წარმოებაში გამოყენების შესაძლებლობის) შესახებ;
 - მონიტორინგის საკითხები, „დაბინძურების სტაციონარული წყაროებიდან მავნე ნივთიერებათა გაფრქვევების თვითმონიტორინგის და ანგარიშგების წარმოების ტექნიკური რეგლამენტის დამტკიცების თაობაზე“ საქართველოს მთავრობის 31/12/2013 წ. N413 დადგენილების შესაბამისად;
 - ატმოსფერულ ჰაერში მავნე ნივთიერებათა გაფრქვევის მონიტორინგის გეგმა, რომელშიც აისახება საწარმოდან 500 მეტრიან რადიუსში მონიტორინგის მეთოდი, სიხშირე/პერიოდულობა და სააგენტოში შედეგების წარმოდგენის საკითხი. მონიტორინგის გეგმაში შეტანილი უნდა იყოს ინფორმაცია შერჩეული

მეთოდის/ხელსაწყოების შესახებ. ასევე, ინსტრუმენტული მონიტორინგის ადგილმდებარეობის GPS კოორდინატები;

- კუმულაციური ზემოქმედების შეფასება საწარმოს სიახლოვეს (განსაკუთრებით, 500 მ რადიუსში) არსებული და საპროექტო ობიექტების ფუნქციური სტატუსებისა და წარმადობების მითითებით. კუმულაციური ზემოქმედების შეფასება წარმოდგენილი უნდა იქნეს გარემოს თითოეული კომპონენტისთვის. ასევე კუმულაციური ზემოქმედების შემცირებისთვის უნდა განისაზღვროს და გზშ-ის ანგარიშში აისახოს ეფექტური შემარბილებელი ღონისძიებები;
- ხმაურისა და ვიბრაციის გავრცელებით მოსალოდნელი ზემოქმედების შეფასება (როგორც დასაქმებული პერსონალის, ისე უახლოესი საცხოვრებელი შენობა-ნაგებობის/მოსახლის შემთხვევაში). ხმაურის გავრცელების დონეების გაანგარიშება და მოდელირება, შესაბამისი შემარბილებელი ღონისძიებები და მონიტორინგის საკითხები;
- ექსპლუატაციის ეტაპზე ატმოსფერულ ჰაერში სუნის გავრცელებასთან დაკავშირებული ზემოქმედების შეფასება. სუნის გავრცელების პოტენციური წყაროების იდენტიფიცირება და შესაბამისი შემარბილებელი/პრევენციული ღონისძიებები განსაზღვრა;
- ბიოლოგიურ გარემოზე ზემოქმედება, შესაბამისი შემარბილებელი ღონისძიებების მითითებით;
- ზემოქმედების შეფასება ისტორიულ-კულტურულ და არქეოლოგიურ ძეგლებზე;
- ზემოქმედების შეფასება მიწისქვეშა/გრუნტის წყლებზე და შემარბილებელი ღონისძიებების შესახებ დეტალური ინფორმაცია;
- ზემოქმედების შეფასება ნიადაგის ნაყოფიერ ფენაზე და გრუნტის ხარისხზე, შესაძლო დაზიანებების განსაზღვრა, შესაბამისი შემარბილებელი ღონისძიებების მითითებით;
- საწარმოს ტერიტორიის გეოლოგიური გარემოს ფონური მდგომარეობის აღწერა (რელიეფი (გეომორფოლოგია); გეოლოგიური აგებულება; სეისმური პირობები; ჰიდროგეოლოგიური პირობები; საინჟინრო-გეოლოგიური პირობები) და გეოლოგიურ გარემოზე ზემოქმედების შეფასება (საშიში გეოლოგიური პროცესების (არსებობის შემთხვევაში) შესაძლო გააქტიურების განსაზღვრა საპროექტო ობიექტის მშენებლობა-ექსპლუატაციის პერიოდში, პრევენციული ღონისძიებების მითითებით);
- მოსალოდნელი ზემოქმედების შეფასება სოციალურ-ეკონომიკურ გარემოზე, ასევე ინფორმაცია ადამიანის ჯანმრთელობასა და უსაფრთხოებასთან დაკავშირებული რისკების შესახებ, შესაბამისი შემარბილებელი ღონისძიებების მითითებით;
- გარემოზე შეუქცევი ზემოქმედების შეფასება და მისი აუცილებლობის დასაბუთება;
- საწარმოს ექსპლუატაციის ეტაპზე განსახორციელებელი გარემოზე ნეგატიური ზემოქმედების შემარბილებელი ღონისძიებების გეგმა;
- გზშ-ის ფარგლებში შემუშავებული ძირითადი დასკვნები და საქმიანობის პროცესში განსახორციელებელი ძირითადი ღონისძიებები;

- საქმიანობის ფარგლებში განსახორციელებელი შემარბილებელი ღონისძიებების შემაჯამებელი გეგმა-გრაფიკი;
- საქმიანობის ფარგლებში განსახორციელებელი გარემოსდაცვითი მონიტორინგის შემაჯამებელი გეგმა-გრაფიკი (საკონტროლო წერტილების, მონიტორინგის სიხშირის, მეთოდის და ა.შ. მითითებით);

7. შენიშვნები, რომლებიც გათვალისწინებული უნდა იქნეს გზშ-ის ანგარიშში:

- სს „ენერგო-პრო ჯორჯიას“ ცნობით, საპროექტო ტერიტორიაზე და მის მიმდებარედ განთავსებულია სს „ენერგო-პრო ჯორჯიას“ კუთვნილი 6/0.4 კვ ძაბვის ელექტროგადამცემი ხაზები, შესაბამისად, საქმიანობის შესასრულებლად ხელმძღვანელობა უნდა განხორციელდეს საქართველოს მთავრობის 2013 წლის 24 დეკემბრის N366 დადგენილებით, რომლითაც დამტკიცებულია „ელექტრული ქსელების ხაზობრივი ნაგებობების დაცვის წესი და მათი დაცვის ზონები“. ამასთანავე, თვითნებურად, კომპანიის თანხმობის გარეშე დაუშვებელია სადენებსა და მიწის ზედაპირს შორის ვერტიკალური გაბარიტის შემცირება მიწაყრილით, მოხრეშვით, მობეტონებით და ა.შ. აღნიშნული გათვალისწინებული უნდა იქნას გზშ-ის ანგარიშის წარმოდგენისას, ასევე, ანგარიშს თან უნდა ახლდეს სს „ენერგო-პრო ჯორჯიასთან“ შეთანხმების (მათ შორის, კომუნიკაციის) ამსახველი დოკუმენტაცია;
- სკოპინგის ანგარიშში მოცემული აღდგენის ოპერაციის კოდი R3 - „იმ ორგანული ნივთიერებების რეციკლირება/აღდგენა, რომლებიც არ გამოიყენება, როგორ გამხსნელები (მათ შორის, კომპოსტირება და სხვა ბიოლოგიური ტრანსფორმაციის პროცესები“ არ შეესაბამება ანგარიშით გათვალისწინებულ საქმიანობას. საქართველოს კანონი ნარჩენების მართვის კოდექსის დანართი I - ის თანახმად აღდგენის ოპერაციის კოდის R12-ით „R1-დან 11-ის ჩათვლით კოდებში ჩამოთვლილი ოპერაციების განსახორციელებლად“ გადამუშავების შემდგომ მიღებული ნივთი ან/და ნივთიერება კვლავ წარმოადგენს ნარჩენს. შესაბამისად, გზშ-ის ანგარიშში მოცემული უნდა იქნას ნარჩენი საბურავების გადამუშავების შემდგომ მიღებული ნარჩენების (რეზინის გრანულა, რეზინის მტვერი, მეტალი და ტექსტილის ბოჭკო) კოდების, დასახელებების და რაოდენობის შესახებ ინფორმაცია;
- ამასთან, გზშ-ის ანგარიშში წარმოდგენილი უნდა იქნას ქვეყანაში მოქმედი იმ ორგანიზაციების შესახებ ინფორმაცია, რომლებიც განახორციელებენ შპს „რეკსოლის“ ექსპლუატაციის ეტაპზე მოსალოდნელი ნარჩენების (რეზინის გრანულა, რეზინის მტვერი, მეტალი და ტექსტილის ბოჭკო) გამოყენებას, შემდგომ მართვას;
- სკოპინგის ანგარიშში არ არის წარმოდგენილი ინფორმაცია ადგილმდებარეობის ალტერნატივების შესახებ, რაც დაზუსტებული უნდა იყოს გზშ-ის ანგარიშში;
- სკოპინგის ანგარიშში მოცემული GPS კოორდინატები გზშ-ის ანგარიშში წარმოდგენილი უნდა იქნას მეტრულ სისტემაში (UTM);

- სკოპინგის ანგარიშში აღნიშნულია, რომ „სასმელ-სამეურნეო და საწარმოო საჭიროებისათვის წყლის მიწოდება ხორციელდება საკუთარი ჭაბურღილიდან“, გზმ-ის ანგარიშში წარმოდგენილი უნდა იქნას ჭაბურღილიდან წყლის მოპოვების შესახებ ინფორმაცია, შესაბამისი ლიცენზიის მითითებით;
- სკოპინგის ანგარიშში აღნიშნულია, რომ „ობიექტზე წარმოქმნილი სანიაღვრე წყლების დაბინძურების პოტენციური წყაროები არ არსებობს, შესაბამისად აღნიშნულ სანიაღვრე ჩამდინარე წყლებს გაწმენდა არ ესაჭიროება.“ ამასთან, ანგარიშში მითითებულია, რომ „საწარმო ტერიტორიაზე შენობის მიმდებარედ მოეწყობა საბურავების მიღებისა და დასაწყობების უბანი“. შესაბამისად, გზმ-ის ანგარიშში დაზუსტებას საჭიროებს ინფორმაცია საპროექტო ტერიტორიაზე, მათ შორის, ღია სასაწყობე უბანზე წარმოქმნილი სანიაღვრე წყლების დაბინძურების საკითხის და მათი შემდგომი მართვის შესახებ;
- გარემოსდაცვითი გადაწყვეტილების მიღების მიზნით ადმინისტრაციული წარმოების დაწყებისთვის გზმ-ის ანგარიშში გათვალისწინებული უნდა იქნეს წინამდებარე სკოპინგის დასკვნით განსაზღვრული თითოეული მოთხოვნა.

გზმ-ის ანგარიშში წარმოდგენილი უნდა იყოს ინფორმაცია სკოპინგის დასკვნით განსაზღვრული თითოეული საკითხის გათვალისწინების შესახებ, ერთიანი ცხრილის სახით (გვერდებისა და (ქვე)თავების მითითებით).

დასკვნითი ნაწილი:

სკოპინგის დასკვნის მიღების მიზნით, შპს „რეკსოლის“ მიერ წარმოდგენილ საქმიანობაზე (ქ. რუსთავში, ნარჩენების აღდგენის (საბურავების გადამუშავება) საწარმოს მოწყობა და ექსპლუატაცია) **სავალდებულოა გზმ-ის ანგარიშში მომზადდეს** წინამდებარე სკოპინგის დასკვნით გათვალისწინებული კვლევების, მოსაპოვებელი, შესასწავლი ინფორმაციის და წარმოსადგენი დოკუმენტაციის მიხედვით. გზმ-ის ანგარიშში შედგენილი უნდა იყოს მოქმედი კანონმდებლობის, განსაკუთრებით, სკოპინგის დასკვნით განსაზღვრული მითითებების სრული დაცვით.